

▲命令▼

大元帥令

大元帥令

任命崔文藻爲中華民國軍政府陸軍部次長此令

大元帥印

中華民國七年四月十八日

大元帥令

任命凌霄爲大元帥府參軍此令

大元帥印

中華民國七年四月十九日

大元帥令

任命林英傑爲陸軍部靖國授鄂軍第一旅旅長此令

大元帥印

中華民國七年四月十八日

大元帥令

任命鄧耀爲陸軍部靖國援鄂軍第二旅旅長此令

大元帥印

中華民國七年四月十八日

大元帥令

參議顏炳元呈請辭職應照准此令

大元帥印

中華民國七年四月十八日

大元帥令

印鑄局長連聲海呈稱僉事尹嶽熱心向學懇請辭職應照准此令

大元帥印

中華民國七年四月十八日

大元帥令

### 令署理財政部總長廖仲愷

案據內政部呈稱秘書阮復於本年一月不避艱險赴鄂密謀舉義正進行間不幸所志未竟遂遭逮捕慘害該故員原有家產已於民國二年悉被抄燬老母寡妻子女多人竟獨無告請予撫卹等因查該故員奔走國事歷有年所此次為國捐軀聞耗不勝痛惜除令內政部確查該故員殉難事實以待表彰外着該部撥給卹款千元確交該故員家屬領此令

大元帥印

中華民國七年四月十八日

大元帥令

### 令代理內政總長居正

呈悉該部秘書阮復於本年一月不避艱險赴鄂密謀舉義正進行間不幸所志未竟遂被逆賊逮捕慘遭鎗害為國捐軀聞耗不勝痛惜既據聲稱該員原有家產已於民國二年悉被抄燬兼以老母寡妻弱女幼子竟獨無告尤堪憫惻除令財政部撥給卹款千元外着該部將該故員殉難事實確查存記一俟大局平靖卽由該部彙案呈請表彰以慰忠魂此令

軍政府公報

命令

四月二十二日第七十四號

肆

大元帥印

中華民國七年四月十八日

公文

內政部請撫郵秘書阮復遺族呈

爲呈請事據方毅丁震丁七杰袁麟開張育萬鄧允俊孫鎮鄧振春甘華黼丁象離冷崇黃王紹桐王大鵬葉馥方作楨孫符悌孔昭桂方策李煥章李存仁何鎔居振武曹羨陳韻笙鄧開先詹德烜陳伯江唐延緒李茂才周道萬何金海李南華朱樹勛丁培成趙仲翼著遂方文炳黃平劉香武袁志端劉浩羅家修葉醉生陳萬金壽鳳梧朱文光文明清夏登雲吳炳泉陳時中劉屹等呈稱爲公懇轉呈矜恤遺族事竊鈞部秘書阮復君痛段賊禍國久未殲滅於本年一月回鄂擬招集營部大興討伐以冀早靖逆氛頃據

大元帥府副官詹炳炎由漢來函稱阮君於將行舉義時在黃岡縣之倉子埠李家集間被捕於舊曆二月初六日慘遭鎗斃穀等逃匿之下不勝痛悼查阮君遺族尙有老母寡妻幼子弱女多人其家中原有財產於民國二年失敗後悉被逆沒收房屋亦被焚燬近數年間生計無着全賴親友推解得免溝壑今爲國殞命其遺族已失所依他日苦况必更甚於今日可斷言也穀等有同志之誼情難默視理合將各種情形呈明鈞部轉呈

大元帥鑒核矜恤遺族以全孤寡而慰英魂實爲德便等情到部查阮復奔走國事歷有年所苦心孤詣殊堪嘉佩嗣職部成立百事草創壁畫尤多茲悉慘列揭勝軫惜惟該員家產房屋業被抄焚遺族生計無着自應厚予撫慰以示體恤至應如何撫恤之處理合備文呈請鈞座核奪飭遵謹呈

大元帥

代理內政部總長居正

### 張陸軍總長上大元帥呈

爲呈薦任命事竊自湖南省南軍退守逆儀方張川滇黔各靖國軍聞已相率東下宜昌一帶戰務方殷總長盱衡時局亟須增練勁旅以謀軍事積極之進行查有林英傑鄧耀二員曉暢戎機素饒忠勇經即先行派委組織靖國援鄂軍兩旅以資調遣在案茲據報告將次編制成軍前來除由本部先行咨委外理合取具履歷呈請

大元帥鑒核俯賜任命林英傑爲陸軍部靖國援鄂軍第一旅旅長鄧耀爲陸軍部靖國援鄂軍第二旅旅長俾資統率而專責成實爲公便謹呈

大元帥孫

附呈履歷二張

陸軍總長張開儒

### 印鑄局上大元帥呈

爲呈報事項據職局僉事尹嶽呈稱竊嶽六年十二月二十二日蒙鈞長呈請任爲僉事兢兢業業以期克盡厥職圖酬知遇報效國家無奈學識淺陋苦難勝任瞻念前途憂心如焚百思千維祇有懇請免去僉事之職俾得從事學識增廣見識來日方長容能報答國家於萬一等情據此查該僉事熱心向學殊

堪嘉許自應准如所請擬懇

明令照准俾遂求學之志實爲德便謹呈

大元帥孫

印鑄局長連聲海謹呈

▲批 示▼

內政部批

批張林氏呈被誣枉押乞准交保由

呈悉盧亞翠賣落娼寮該民婦既確無同謀情弊被誣枉押情殊可憫所請交保之處仰候令行高等檢察廳查明核辦可也此批

批梁馨吾呈盜送誤收請澈究以維產業由

據呈已悉既稱案經起訴候令地方審判廳併案查明秉公核辦可也簡畧存此批

批新會縣民黃清源等呈為通賊劫害霸產漁利由

據呈已悉仰候令行廣東高等檢察廳迅即飭縣移案歸地方分庭依法辦理可也此批

批周榮柏呈舖主捏控欠租踴舖由

呈悉舖主周國亨不允該商請求轉籌收租遽向法庭起訴殊屬不合仰候令廳傳領租銀俾安營業可也此批

批河源縣紳丘為嶽等呈劣紳吞欠錢糧公款由

呈粘均悉潘乾亨如確有吞欠錢糧公款情弊自應澈查清算以重要公所請令高等檢察廳提案依法辦理之處仰候令行遵照可也此批

批蔣鍾新等因竇亞根等屢拔界碑懇飭新會分庭提訊由

呈悉已令廣東高等審判廳令新會縣分庭秉公辦理矣此批



批新會縣民阮夢，呈爲詐財有據擅行提釋由

呈悉已令廣東高等檢察廳轉飭新會分庭迅予查照原案依法辦理矣此批

批徐吉等呈慘遭久押請立飭提訊宣判由

呈悉黃杰等是否糾衆擾舖該商等有無失火嫌疑候令行廣州地方審判廳迅即提訊判結可也此批  
批容郁良等呈會款糾葛懇轉令公平斷結由

呈悉陳德修久欠會款反捏稱霸佔田業所控非虛殊屬不合仰候令行廣東高等審判廳詳查案情秉公斷結可也此批

批清遠縣孀婦林陳氏呈請雪冤由

據呈已悉爾子既逾上訴期間而不上訴係屬自誤除發見請求更審之理由外實屬無法救濟所請雪冤一節未便率令法庭照辦此批

批孫用彬呈強姦慘殺乞飭將兇手執行死刑由

呈悉孫潤元犯強姦慘殺罪既經判處死刑惟未據呈報仰候轉令高檢廳查覆核辦可也此批

批曾梁氏呈爲伊子曾秋良被人誣陷久押病危由

呈悉已令行廣州地方審判廳查明原案實在情形迅予秉公申理矣此批

▲廣告▼

○軍政府印鑄局公報處廣告(一)

本公報價目

一本報每日出版一號

二定購一月者定價大洋八角三月二元三角半年四元五角常年八元須先交報費

三國內及日本每號郵費半分南洋美洲各埠郵費酌加

四零售每號四仙

○軍政府印鑄局公報處廣告(二)

啟者本公報既出版數月來定購者日增無已茲除各行政公署及各公共團體送閱一份外其餘各個  
人恕不贈送愛讀諸公請函致本公報發行處定購可也此佈

中華民國七年二月廿八日

軍政府印鑄局公報處啟

○大元帥府參軍處啟事

啟者大元帥府之電話號數如左

秘書處二一零零

參軍處副官室庶務科二零四四

衛隊室二零六九

大元帥府參軍處啟